

Tjhata ya Bana ya Tsebo ya ho Bala le ho Ngola



Tsebo ya ho bala le ho ngola ke motheo wa thuto le kgoro e lebisang bophelong ba katleho ba batho ba baholo lefatsheng la kajeno. Tjhata ena e mema batho ba baholo ba Afrika Borwa yohle bakeng sa ho netefatsa hore maemo a tshehetsang thuto e atlehileng ya bana ya ho bala le ho ngola, a fumantshwa bana ba rona bohle hore ba tle ba be le maeto a ho ithuta ho bala le ho ngola a atlehileng a bileng a puitsang.

1 Ho balla boithabiso: Bana bohle ba lokela ho ikutlwela ho sibolla ho bala le ho ngola bakeng sa boithabiso le kgotsofalo tsa bona feela ka dipuo tsa bona tsa lapeng le tsa tlatsetso ho tloha ba sa le banyane ho ya pele.



2 Dipale: Bana bohle ba lokela ho ba le menyetla ka nako tsohle ya ho mamela, ho bala le ho bua ka dipale tsa Afrika Borwa, tsa Afrika le tsa lefatsheng lohle.

3 Ho sibolla lefatshe: Bana bohle ba lokela ho ba le menyetla ya kamehla ya ho sebedisa ho bala le ho ngola bakeng sa ho ithusa ho sibolla bophelo ho tswa mahlakoreng ka bobedi a boinahanelo le a nnete. Menyetla ena e ba thusa ho ithuta ka bona le batho ba bang ha ba ntse ba sibolla sebaka sa bona se fetohang lefatsheng le hore ba ka ba le seabo jwang ho sona.

4 Kgothaleto: Bana ba dilemo tsohle ba hloka batho ba ka ba ballang ka tsela e tlang ho ba kgothaletsa hore ba batle ho ipalla ka bobona. Diitho tsa lelapa lapeng, matijhere ka tlaseng le basebetsi ba dilaaboraring dilaaboraring tsa motse le tsa sekolo ba lokela ho balla bana hodimo ka dinako tsohle.

5 Bao e leng mehlala setjhabeng: Batho ba baholo ba lokela ho bontsha bana mohlala wa ho bala le ho ngola. Bana ba hloka ho bona batho ba baholo lapeng, le sekolong, le setjhabeng ba sebedisa ho ngola le ho bala ho phetha dintho tse itseng, ho ithuta le bakeng sa boithabiso.


6 Ho ithuta ho bala le ho ngola: Bana bohle sekolong ba na le tokelo ya ho rutwa ho bala le ho ngola ke matijhere a nang le bokgoni le a kgothatsang, a buisanang le bona ka puo/dipuo tseo ba di utlwisang, le a ba senolelang dipale tse makatsang le dingolwa tse kgahlisang jwaloka karolo ya thuto ya bona.

7 Nako le sebaka: Bana ba hloka ho newa nako e lekaneng ka dinako tsohle ya ho phomola le ho bala. Hape ba hloka dibaka tse kgutsiseng moo ba ka etsang sena teng.


8 Phumantsho ya disebediswa: Bana ba hloka ho kgona ho fumana disebediswa tse fapaneng tsa ho bala le ho ngola ha bonolo tikolohong e haufi le bona. Ba hloka phihlelo ya kgetho e batsi ya dibuka tsa dipale le tse ding, ebang tsena e le tsa bona, kapa ba di adima sekolong le dilaaboraring tsa motse tse haufi le moo ba dulang teng. Hape ba hloka ho dula ba potilwe ke dingolwa tsa tikoloho ka dipuo tseo ba di tsebang le ho di utlwisisa.

9 Dibuka tse fanang ka tjheseho: Bana ba na le tokelo ya ho bala dibuka tsa boleng bo nepahetseng tse nang le mongolo le diitshwantsho tsa boleng bo hodimo, tse nang le dipale tse thabisang le tlhahisoleseding e hohelang. Dibuka tsa boleng bo hodimo di kgona ho "fetola" bana hore ba be le tlwaelo ya ho bala bophelo ba bona bohle.

10 Kgetho: Bana ba hloka ho newa menyetla ya ho kgetha seo ba batlang ho se bala ka dinako tse ding mme ka tse ding ba tataiswe ke batho ba baholo. Ho ikgethela dibuka ho thusa bana ho hola jwalo ka babadi hobane ho ba dumella ho ba le makgetha ao e leng a bona a mefuta ya dibuka tse ba kgahlang.



11 Kgothaleto: Bana ba lokelwa ke hore diteko tsohle tsa bona tsa ho bala le ho ngola di ketekwe ke batho ba baholo ba maphelong a bona le ho kgothaletsa ho tswela pele ho atisa tshebediso ya bona ya puo e ngolwang le e buuwang. Leetong la bona la ho tseba ho bala le ho ngola, bana ka dinako tse ding ba tla fosa dintho mme ka nako tse ding ba di nepe. Tsena he, mmoho le kgothaleto, ke tsela tseo bohle re ithutang ka tsona.



Rico 2014